




[www.BibleForChildren.org](http://www.BibleForChildren.org)





# Genesis 6



Deenei taalanga o de  
huaabodu o Noah. Noah se  
daane e heohi aama tee  
haisala i dono atangada;  
Noah ne seese madali de  
Maadua.




Gai de Maadua ga tilo huu  
hongu henua i lalo, gai ia gu  
gidee bolo gu kona donu de  
hakino gee, go hiidinga  
hegau alodahi a dangada gu  
kona donu hakino gee.




Gai de Maadua ga hai ange gi Noah, “Au gu baba ange e daa gi maakau dangada alodahi, go hiidinga henua i lalo gu honu I alaadeu hegau vaivai daakodo. Tilo, au e hagallilo naa gilaadeu madali henua i lalo.”



“Gai koe hagaduulia dahi vaga hale i laagau  
o de gopher. Gai haia hanu aabi i lo te  
vaga hale laa, ma de haoli laa lodo ma  
laa daha i denga tar.”




“Gai deenei dau hai  
e hagaduu ai: e dolulau  
sugilima de looloa, gai e  
madalima sugilima de  
lahalaha, gai e matolu  
sugilima tuuduu.”




“Gai koe hagabudulia  
denga hagadaagangaa  
gai alodahi, ga doange e  
gaimee ai goe aama  
denga manu.”




“Gai koe gaamai e dagilua manu dolodolo, i denga  
hagadaagangaa manu alodahi gi lo te vaga hale, e dahi  
manu daane ma e dahi manu hahine, gi mouli ai  
gilaadeu madali goe.”




“Gai koe gaavee e dagihidu mai I denga  
hagadaagangaa manu gilimalali alodahi, e  
dahi manu hahine ma dahi manu daane, ma  
e dagilua mai i denga hagadaagangaa  
manu e dee gilimalali laa, e dahi  
manu daane madali dahi manu  
hahine.”





Gai a Noah ma  
ana dama daane  
ma dono bodu ma  
bodu o ana dama, ga  
ulu gi lo te vaga hale gi  
ola mai ai gilaadeu i tolona.



A simple line drawing of a building with a window. The building is composed of several parallel lines representing the roof and walls. A rectangular window with horizontal lines is positioned on the right side of the building. The drawing is minimalist and uses only black outlines on a white background.

Gai go de onolau ngadau  
o Noah, i de madaangahulu  
ma hidu laangi o de lua malama  
— go de laangi nei ne hhuge ai denga  
vai i lalo de henua, gai denga abaaba  
o de langi gu hhuge.





Gai de langi ne pala iho gi  
henua i lalo i e madahaa  
laangi ma e madahaa boo.




Gai gu honu baabaa hongaa de  
henua i vai, gai de vaga hale laa  
gu dahedahea i hongaa de vai.




Gai tai gu kona de honu hongā henua i lalo, gai  
mounga maolunga alodahi gu haolia i vai. mee alodahi  
e mouli ma e manavanava i hongā de henua gu odi i  
de maakau.




Gai de Maadua gu manadua e ia a Noah  
ma denga manu lodo henua, ma manu  
haangai alodahi e nnoho madali ia i lo te  
vaga hale. Gai de Maadua ga hai gu  
ssau mai de madangi mmahi gi  
hongga de henua gi  
hagaahea ai tai.





Gai dua huu de madahaa  
laangi, gai a Noah ga  
hhuge de abaaba o de  
vaga hale aana ne hai laa,  
gai ia ga hai gi hano dahi  
raven, gai de manu lele laa ne  
aheahe saele donu huu, ga  
dae ai gi de masa tai  
i hongga de henua.






Gai Noah ne ahe ange  
hogi ga hai gi hano dahi  
manu kono, e tilo ai be gu  
kii ange de masa denga  
tai i hongga de henua.




Gai go de madalua ma hidu laangi o de lua malama  
ne mmasa i hongga de henua alodahi. Gai de  
Maadua ne basa ange gi Noah, ga hai  
ange, “Koe sao mai i lo te vaga  
hale, madali doo bodu,  
ma au dama daane ma  
bodu o au dama.”



Gai Noah ga bae dahi mommee o ssigidaumaha ange  
gi Tagi Maolunga,  
ga kave hanu manu  
mai i denga manu  
gilimalali alodahi, ma  
hanu manu llele gilimalali,  
ga hai ai ssigidaumaha  
dudu i hongga de mommee  
o ssigidaumaha  
laa.






Gai de Maadua  
ga hai ange,  
“Deenei de  
hagailonga o de  
hagatoo donu  
hagaheloongi aagu e hai  
adu gi goodou, ma denga

manu alodahi e  
mouli madali  
goodou, aama  
denga atangada  
alodahi e loomai i  
muli:” . . .

... “au gu  
hagaduu de umada  
i lodo giliiga, e  
hagamaanadu ai de  
hagatoo donu  
hagaheloongoi i omaau  
magavaa ma henua i lalo.”






“Gai de masavaa  
naa huu aagu e hai  
ai gi loage denga  
giliiga, gai de umada  
gu gidee i lodo giliiga  
laa, gai au e manadua  
naa dagu hagatoo donu


hagaheloongoi  
ange gi mee  
alodahi e mouli;  
aagai tolona e dee  
ahe ange naa donu  
e hai gi llilo mee  
alodahi e mouli.”



Gai de Maadua ne  
hagamanuuia Noah ma ana  
dama daane, ga hai ange gi  
gilaadeu, “Goodou hagadili  
gi soa haoa ai henua i lalo.”



Gai denga dama  
daane a Noah ne ssao mai laa  
i lo te vaga hale go Shem, ma  
Ham aama Japheth. Gai a Ham  
e dahi ana dama daane,  
dono ingoo go Canaan.



Aanei denga dama  
daane dogodolu a Noah, gai go  
gilaadeu ne hagadili ga soa ga  
hhao ai henua i lalo alodahi.



Gai de Maadua ne aloha mmao i henua  
i lalo, deelaai ai aana ne gaamai ai laa  
dana Dama Daane dagidahi, gai be  
goai e hagadonusia gai ia e dee magau  
donu, aagai e maua de mouli  
e dee ngado mai.



Romans 3:23

go hiidinga dangada alodahi gu haisala gai gu dee maua i  
de kave de mahamaha o de Maadua,

Romans 6:23

Gai de hagaoanga o de haisala go de magau, gai de mee  
ngadi gaavange a de Maadua go de mouli e dee ngado  
mai i lodo o Klisdo Iesu taadeu Dagi Maolunga.

Hebrews 9:27

Bei de hai gu hagamodu ange ai laa bolo dangada e  
maakau i e dahi donu huu hanonga, gai dua naa huu mee  
nei go de hagamodu muna,



## Ephesians 2:8,9

Go hiidinga o dono abodonu oodou ne hagamouli i de gai. Gai e dee go hiidinga o oodou hegau, aagai se mee ngadi gaamai nii de Maadua, e dee go hiidinga o oodou hegau, gi deai ai se dangada e maua i de tala tuhi donu huu ia.

## Romans 10:9,10

Go hiidinga noo koe e tala i doo ngudu bolo Iesu go Tagi Maolunga ma de hagadonusia i oo lodo bolo de Maadua gu hagamouli age ia i de magau, gai koe e hagamouli. I hiidinga tangada e hagadonusia i ono lodo e hai hogi ga heohi, gai tangada e daalaa hagadonu mee nei i dono ngudu e hagamouli.



## John 3:16,17

“Gai de Maadua ne aloha mmao i henua i lalo, deelaai ai aana ne gaamai ai laa dana Dama Daane dagidahi, gai be goai e hagadonusia gai ia e dee magau donu, aagai e maua de mouli e dee ngado mai. Gai de Maadua tee gaamai dana Dama Daane gi henua i lalo e hagaduasala ai henua i lalo, aagai ne gaamai e hagaola ai henua i lalo i ono daha.

## 1 John 5:11-13

Gai aanei muna o de tala hagadonu: de Maadua gu gaamai gi gidaadeu de mouli e dee ngado mai, gai de mouli nei e dagodo i daho dana Dama. Be goai e noho Tama i ono daha e maua de mouli; aagai be goai e dee noho Tama Daane a de Maadua i ono daha e dee dagodo de mouli i ono daha. Au e sisi adu mee nei gi goodou gu hagadonusia de ingoo o Tama Daane a de Maadua, gi iloo ai e goodou bolo goodou gu maua donu de mouli e dee ngado mai.



# Genesis 6 – 10

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: M. Maillot, Tammy S.

Nukuoro Bible (nkr) © 2022, Wycliffe Bible Translators, Inc.  
All rights reserved.

<https://www.bible.com/en-GB/bible/3595/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

